

SPORAZUM O SARADNJI

Zaključen između:

1. UNIVERZITET U SARAJEVU, FAKULTETA POLITIČKIH NAUKA, Skenderija 72,

kog zastupa **Dekan, Prof. dr. Sead Turčalo**,

i

2. UDRUŽENJE ZA PREVENCIJU OVISNOSTI NARKO-NE, Zagrebačka 18, kog
zastupa **izvršni direktor Amir Hasanović**

Član 1.

Ovim Sporazumom se utvrđuju obaveze Fakulteta političkih nauka (u daljem tekstu: Fakultet političkih nauka) i Udruženje za prevenciju ovisnosti NARKO-NE (u daljem tekstu: Udruženje za prevenciju ovisnosti NARKO-NE), koje se odnose na upućivanje i obavljanje prakse studenata Odsjeka za socijalni rad, kao i obaveze mentora i studenata za vrijeme obavljanja prakse.

Član 2.

Međusobna saradnja između Fakulteta političkih nauka i Udruženja za prevenciju ovisnosti NARKO-NE zasnovana je na uzajamnoj saradnji, u cilju što uspješnijeg obavljanja prakse studenata.

Član 3.

U skladu sa Odlukom Vijeća Odsjeka za socijalni rad, studenti druge i treće godine prvog (I) ciklusa studija dužni su da obave praksu u trajanju od deset (10) radnih dana, sa osmočasovnim radnim vremenom.

Član 4.

Za obavljanje prakse studenata izvršni direktor Udruženja za prevenciju ovisnosti NARKO-NE ili druga ovlaštena osoba određuje mentora, diplomiranog socijalnog radnika, odnosno socijalnog radnika sa bogatim radnim iskustvom.

Imena mentora prakse, koji će biti u stalnom kontaktu sa Fakultetom političkih nauka, će se usaglasiti između Fakulteta i Udruženja za prevenciju ovisnosti NARKO-NE.

Član 5.

Sa ciljem praćenja obavljanja prakse studenata, Fakultet političkih nauka je u obavezi da odredi nastavnika/saradnika za stalni kontakt sa Udruženjem za prevenciju ovisnosti NARKO-NE i mentorom prakse i planirane obilaskе studenata na praksi.

Nastavnik/saradnik, ovlašten od strane Fakulteta političkih nauka, dužan je da se prije početka prakse studenata upozna sa djelatnošću i zadacima Udruženja za prevenciju ovisnosti NARKO-NE, načinom organizacije rada, Pravilima o kućnom redu Udruženja za prevenciju ovisnosti NARKO-NE, zadacima i obavezama studenata za vrijeme obavljanja prakse u Udruženju za prevenciju ovisnosti NARKO-NE, te da o svemu upozna studente prije dolaska na praksu, odnosno da ih pripremi za obavljanje prakse.

Za vrijeme obavljanja prakse studenata Fakulteta političkih nauka u Udruženju za prevenciju ovisnosti NARKO-NE, nastavnik/saradnik Fakulteta, mentor prakse i stručno osoblje Udruženja za prevenciju ovisnosti NARKO-NE i Fakulteta političkih nauka dužni su da međusobno saraduju.

Član 6.

Mentor prakse je dužan da bliže upozna studenta sa načinom organizacije rada Udruženja za prevenciju ovisnosti NARKO-NE, normativnim aktima i zadacima koje obavlja socijalni radnik u Udruženju za prevenciju ovisnosti NARKO-NE.

Mentor prakse je obavezan da studentu u skladu sa njegovim interesima obezbijedi kontakte sa drugim subjektima i uvid u dokumentaciju.

Mentor prakse je dužan da saraduje sa nastavnicima i saradnicima Fakulteta političkih nauka, da ih obavještava o radu sudenata na praksi i eventualnim problemima sa kojima se student ili mentor suočavaju.

Član 7.

Obaveza studenata je da se za vrijeme obavljanja prakse pridržavaju odredaba Pravila o kućnom redu Udruženja za prevenciju ovisnosti NARKO-NE, da poštuju ličnost korisnika usluga i njihovu privatnost, da sa ličnim podacima koje saznaju u toku prakse postupaju u skladu sa Zakonom o zaštiti ličnih podataka, da čuvaju tajnost dokumenata i podataka koji predstavljaju službenu, poslovnu ili profesionalnu tajnu, te da u svemu postupaju u skladu sa zahtjevima i uputama mentora prakse.

Student će za vrijeme prakse biti u mogućnosti:

- upoznati se sa načinima planiranja i provođenja intervencija za korisnike (djeca, mladi, roditelji, nastavno osoblje i drugi), te
- učiti o osnovama prevencije utemeljene na dokazima.

Član 8.

U skladu sa Nastavnim planom i programom Fakulteta političkih nauka, student je dužan:

- provesti određen broj dana i sati na praksi,
- sačiniti dnevnik o svom radu koji mora da bude potpisan i ovjeren od strane mentora,
- sačiniti dvije socijalne anamneze,
- postupiti u skladu sa zahtjevima mentora, te da zajedno sa mentorom na kraju prakse urade evaluaciju i daju prijedloge za unaprijeđenje prakse,
- u roku od 15 dana po završetku prakse sačiniti i izvještaj i dostaviti ga na ocjenu nastavniku/saradniku Fakulteta.

Član 9.

Nakon potpisivanja Sporazuma, ukoliko to bude potrebno, zakazat će se sastanak na kojem će se sačiniti zajednički plan aktivnosti.

Član 10.

Ovaj Sporazum o saradnji će biti otvoren za izmjene, uz uzajamnu saglasnost i na osnovu zahtjeva neposrednih nosilaca obaveza utvrđenih u Sporazumu.

Fakultet političkih nauka UNSA može raskinuti ovaj Sporazum u roku od osam (8) dana u slijedećim slučajevima:

- ako utvrdi da ne postoje objektivne pretpostavke za uspješno izvođenje terenske nastave,
- ako utvrdi da strana potpisnica - partner ne postupa sukladno ugovorenim odredbama.

Član 11.

Sporazum stupa na snagu danom obostranog potpisivanja, a primjenjivat će se na neodređeno vrijeme. Svaka strana potpisnica Sporazuma ima pravo jednostrano raskinuti Sporazum o saradnji uz prethodno obavještenje drugoj Strani potpisnici u roku od 30 /trideset/ dana.

Član 12.

Ovaj Sporazum je sačinjen u 4 (četiri) istovjetna primjerka, od kojih svaka strana zadržava po 2(dva) primjerka.

IZVRŠNI DIREKTOR

Amir Hasanović

DEKAN

Prof. dr. Sead Turčalo

Broj: I35-11/22

Sarajevo, 03.11. 2022. godine

Broj: 01-3-1284-4/22

Sarajevo, 07.11.2022. godine

